

青神縣志卷之十

城池志

明天順間知縣任廣鄭瓚相繼築土城正德初知縣曾鼎增修嘉靖初知縣楊麟包砌以石高一丈二尺底寬一丈四尺頂寬九尺周四里三分七百八十三丈東青陽門南聚奎門西麟西門北鴻化門東南度春門外環以濠兵燹後漸次倒塌塚口無存乾隆十三年奉文估計歸入緩修二十八年知縣王承燾倡勸捐修另砌四門重建城樓又以來紫麟瑞文明迎恩爲名四門添直卡房嘉慶十四年東門城洞倒塌知

青神縣志

卷之十城池

四

縣顏謹捐修庶幾資捍衛焉

街房

街衢舊係零碎小石稜峭高低乾隆二十八年知縣王承燾倡勸捐修縣尉王綸熙監工用石塊修砌平整以東西南北爲名市亦因之又有小南街學署街十字街度春街花園街其與四街通衢處設立棚欄以時啟閉